

1. Visie

Ons visie is om elke leerder bekend te stel aan die ryke kultuurverskeidenheid in ons land; respek en waardering vir ander kulture aan te kweek en stewig gewortel te wees in die kultuur eie aan onself.

2. Missie

Om gebalanseerde leerders op te voed, is dit noodsaaklik dat kultuur, akademie en sport gelykwaardige ruimte en tyd gegun word. Leerders word blootgestel aan 'n wye spektrum van kultuuraktiwiteite en leer daardeur liefde vir die kunste, deursettingsvermoë, selfdisipline en 'n gebalanseerde persoonlikheid aan. Ons strewe is dat elke leerder ook sy/haar volle potensiaal op kultuurgebied sal bereik.

3. Wat is 'n kultuur?

Kultuur by Laer Volksskool omskryf en bevat die **ganse geestelike besitting** van ons leerders op **elke terrein**.

4. Kultuuraktiwiteite

4.1 Die volgende aktiwiteite word binne-skoolverband aangebied:

- * Senior koor
- * Junior koor
- * Redenaars
- * Vokaal
- * Revue

4.2 Die volgende aktiwiteite word buite-skoolverband aangebied:

- * Dans
- * Drama
- * Instrumentaal
- * Visuele kunste

5. Beskrywing van kultuuraktiwiteite

5.1 Seniorkoor

Die doel van die Seniorkoor is om koorklanke voort te bring op só 'n wyse dat dit 'n liefde vir sang en koormusiek by die leerders ontwikkel. Die Seniorkoor streef daarna om 'n uitstalvenster vir Laer Volksskool te wees en ook om te alle tye as ware ambassadeurs van ons skool op te tree. Dit is ons strewe om kwaliteit koorsang te lewer. Die Seniorkoor neem jaarliks aan verskeie kunswedstryde, koorfeeste en ander optredes deel.

Die Seniorkoor bestaan uit Graad 4 tot Graad 7 leerders. Hulle oefen een keer per week vir altesaam twee ure. Daar word gestreef om ook een oefen Vrydag per jaar te hou waarna Saterdagoggend gebruik word vir 'n fondsinsameling aksie, hoofsaaklik vir koordrag.

Die drag vir meisies bestaan uit 'n lang swart romp en top wat aan die skool behoort. 'n Langmou swart top en moulose swart top en ook swart sykouse moet deur die leerder self aangeskaf word. Skoolskoene word hierby aangetrek.

Die seuns dra 'n groen das wat aan die skool behoort en 'n swart langmou hemp en swart langbroek moet self aangeskaf word. Skoolskoene en swart kouse word ook hierby aangetrek.

Ons maak vir etlike jare al gebruik van 'n professionele begeleidster wat deur die skool vergoed word. Daar word jaarliks vir 'n gedeelte hiervoor begroot en is onderhewig aan die goedkeuring van die Beheerliggaam. Koorlede betaal R100 koorgelde per kwartaal, geen koorlid word weerhou van die Seniorkoor onderhewe aan finansies nie.

Koorlede kry herkenning vir deelname aan die koor. Indien 'n koorlid meer as 3 keer afwesig was van kooroefening sonder 'n geldige verskoning, sal die betrokke koorlid nie herkenning vir die koor ontvang nie. Indien 'n koorlid hom/haarself nie onderwerp aan koor reëls ten opsigte van dissipline tydens oefening nie, sal dit die koorleier se besluit wees om die betrokke leerder te vra om koordeelname te staak.

5.2 Juniorkoor

Die Juniorkoor bestaan uit Gr. 1 tot 3-leerders. Hierdie koor se doel is hoofsaaklik om kinders die liefde vir sang te leer. Leerders moet 'n oudisie aflê en alhoewel alle leerders aangemoedig word om deel te neem, is suiwer stemmetjies tóg belangrik. Die koor sing hoofsaaklik nêr eenstemmig.

Vasgestelde koordrag word gedra. 'n Koorband word gedra wat aan die skool behoort. Leerders skaf self 'n wit hemp met swart langbroek aan waarby swart kouse en skoolskoene gedra word.

Kompetisies: Neem aan koorfeeste en kunswedstryde deel.

Oefentye: Een keer per week; Maandae. Koorlede kry herkenning vir deelname aan die koor. Indien 'n koorlid meer as 3 keer afwesig was van kooroefening sonder 'n geldige verskoning, sal die betrokke koorlid nie herkenning vir die koor ontvang nie. Indien 'n koorlid hom/haarself nie onderwerp aan koor reëls ten opsigte van dissipline tydens oefening nie, sal dit die koorleier se besluit wees om die betrokke leerder te vra om koordeelname te staak.

5.3 Drama

Drama word op die skoolterrein aangebied. Dit is egter ook 'n aktiwiteit buite skoolverband. Leerders kry privaatafrigting en word óf deur die skool, óf deur afrigters ingeskryf vir talle kunswedstryde. Deelname aan drama op betrokke kunswedstryde word in aanmerking geneem.

5.4 Redenaars

Redenaars is die vorming van ons leiers vir die toekoms. 'n Redenaar leer om deur liggaamshouding, stem en taal sy standpunt oor te dra en sy gehoor te oortuig van sy siening. Redenaars vind binne skoolverband plaas.

Laer Volksskool hou twee redenaar aand per jaar. 'n Junior redenaar-aand asook 'n senior redenaar aand. Vir elke redenaar aand word 'n buitebeoordeelaar gebruik. Hier

word gepoog om elke jaar ons top-redenaars uit te soek. Die senior leerders word gemotiveer en gelei om navorsing oor 'n onderwerp te doen en hul eie toesprake te skryf.

Die temas vir die ATKV-redenaars word in November bekend gemaak vir die komende jaar.

Indien baie inskrywings op Juniorvlak (Gr. 1, 2, 3) ontvang word, word interne uitdunne gehou (Juffrouens as beoordelaars.) Ná die uitdunne word 'n aantal verkose leerders deur buitebeoordelaars beoordeel.

Na gelang van die skool se grootte, word die inskrywings per graad bepaal. Tans is ons geregtig

op:

- Juniors: Gr. 1-3 4 leerders

- Seniors: Gr. 4-5 4 leerders

Gr. 6-7 5 leerders

5.5 Revue

'n Revue word elke derde jaar deur die skool op die planke gebring. Ons doel is om **elke** leerder die geleentheid te gee om ten minste een of twee keer in hul laerskoolloopbaan deel te hê aan só 'n groot produksie.

5.6 Leesfees

Die skool reël ongeveer elke tweede jaar 'n Leesfees, waartydens elke leerder (gr. 1 tot 7) die geleentheid kry om 'n projek uit te stal gefokus op fiksie of nie-fiksie. Tydens ons leesfees kry sekere leerders ook 'n geleentheid om 'n drama-stuk op te voer wat self geskryf is en leerders word blootgestel aan 'n buitegroep wat stories kom opvoer. Die klem val op voordrag en lees. Leesfees projekte maak slegs deel uit van die skool kirrukulum en kry nie erkenning op die Bekroningsfunksie nie.

5.7 Kunswedstryde

Kunswedstryde is buite skoolverband, maar word tóg gekoördineer deur die skool.

Ouers kán egter ook leerders privaat inskryf.

In ons doel om elke leerder ten volle te help ontwikkel op alle terreine, speel kunswedstryde 'n belangrike rol in die vorming van die kind se sosiale en emosionele ontwikkeling.

Ons poog om soveel as moontlik leerders bloot te stel aan dié tipe kompetisie.

Kunswedstryde behels die deelname van leerders op streeks- sowel as nasionale vlak.

Leerders kry die geleentheid om in hul ouderdomsgroep in verskeie afdelings met mekaar mee te ding. Om deelname aan kunswedstryde te regverdig en leerders wat 'n definitiewe talent het maar dalk nie finansiëel daarby kan bydra nie te bevorder, word behoeftige leerders 'n geleentheid gegun om afrigting te ontvang wat deur die skool geborg word in sekere afdelings. Leerders wat graag afrigting in 'n sekere rigting wil ontvang gaan eers deur 'n keuringsproses deur die afrigters self en afrigting is onderhewig aan gereelde bywoning en 'goud' (A) as prestasie toekenning by die Heidelberg Eistedfodd. Heidelberg Eistedfodd borg dan ook die spesifieke leerders vir deelname. Indien leerders dit behaal op die kunswedstyd sal afrigting voortgaan en

geborg word. Indien leerders dit nie behaal nie word afrigting gestaak. Die volgende afrigting sal geborg kan word: Drama; Dans; Klavierlesse; Sang.

Kunswedstryde waarvoor ingeskryf word, is:

- Heidelberg Eisteddfod
- Suikerbosrand Eisteddfod
- NEA (Nasional Eistedfodd Academy)

Afdelings waarvoor die skool inskryf, is as volg:

- Drama
- Vokaal
- Kore
- Beeldende kunste
- Instrumentaal

Die skool is verantwoordelik vir die affiliasiegelde, maar leerders is self verantwoordelik vir individuele items se inskrywingsgelde. Die skool betaal wel vir die groep-items soos koor.

Affiliasie word jaarliks in die begin van die jaar gedoen. Inskrywings vind op vasgestelde afsny datums. Kunstefeeste en kunswedstryde vind plaas tussen April en September.

5.8 Dans, Visuele kunste en Model

Tans word verskeie dansstyle aangebied, asook verskillende vorme van visuele kunste en modelwerk buite skoolverband. Alhoewel leerders aan verskeie kompetisies deelneem in hierdie aktiwiteite, word slegs deelname aan betrokke kunswedstryde in aanmerking geneem by ons skool se punte berekening.

6. Bekroning : Kriteria

Algemeen

- * Toekennings berus op die grondslag van volgehoue prestasie.
- * Geen toekenning sal op 'n ander basis as die hieronder beoordeel word nie.
- * Wysigings of toevoegings kan slegs deur die balkiekomitee gedoen word.
- * Enige toekenning is 'n voorreg en kan onder bepaalde omstandighede deur die komitee teruggetrek word in die hulle dit as reverdig beskou. Na terugtrekking mag 'n leerder nie meer aanspraak maak op die dra van sulke toekennings nie.
- * Alle toekennings is onderhewig aan skoolaffilasie en registrasie.

Kriteria vir toekenning van balkie:

- 1 Deelname/Lid (tel slegs vir aktiwiteite binne skoolverband nl. Koor, Redenaars, Revue)

KUNSWEDSTRYDSIMBOLE

- 1 Deelname
- 2 C
- 3 B
- 6 A
- 8 A+
- 10 A++

SKOOLREDENAARS

- 5 Deelname
- 8 Derde plek
- 10 Tweede plek
- 12 Eeste plek
- 15 Algehele wenner

ATKV REDENAARS

- 30 Plekwenner van ATKV (1-3)
- 30 Eindrondte
- 20 Halfeindrondte
- 10 Deelname

SUPER 8 REDENAARS

- 4 Deelname
- 20 Eerste plek
- 15 Tweede plek

10 Derde plek

KOORLID (jare agtereenvolgend)

1 jaar	10 punte
2 jaar	20 punte
3 jaar	30 punte
4 jaar	40 punte
5 jaar	50 punte
6 jaar	60 punte
7 jaar	70 punte

Slegs Suikerbosrand Eistedfodd, NEA Heidelberg en Heidelberg Eisteddfod word in aanmerking geneem.

Balkie:	50 punte of meer
Prestasietoekenning:	75 punte of meer
Ereklere:	100 punte of meer

ATKV - Bekroning:

Indien 'n leerder in die Finale rondte van ATKV (verwerf op top Nasionale vlak prestasie) 'n eerste, tweede of derde plek behaal sal 'n Ere penning toegeken word.

NEA - Bekroning:

NEA Young Performers Awards:

Leerders wat na Finaal genooi word ontvang 'n Elite toekenning by NEA en sal **Spesiale Vermelding** as erkenning ontvang.

NEA Streek/Area wenners:

Algehele wenner op Top Tien verwerf 'n Elite toekenning by NEA en sal 'n **Ere penning** as erkenning ontvang.

**LAER VOLKSKOOL
KULTUURBELEID
2014**